



## PORTAVÓS VI GOVERN U KONSTITUSIONÁL



## KOMUNIKADU BA MEDIA

Díli, Loron 31 fulan-janeiru tinan 2017

### Timor-Leste hetan Persesaun Korupsaun ne'ebé signifikativu

Índise Persesaun Korupsaun nian, ne'ebé publika husi organizasaun naun governamentál (ONG) Transparency International (Transparénsia internasionál) iha loron 25 fulan-janeiru, hatudu katak Timor-Leste, iha tinan 2016, iha melloria ida ne'ebé signifikativu iha pozisaun sira 22 iha ninia tabela husi nasaun sira hamutuk 176, husi fatin 123 ba fatin 101. Fatin dahuluk nian okupa husi Dinamarca no Zelândia Foun, nasaun sira ne'ebé ladun hetan korupsaun iha tinan 2016 nian; sira rekolla hamutuk pontu 90 husi 100 ne'ebé kompostu husi índise ne'ebé konstante. Timor-Leste nia pontuasaun sa'e husi 28 ba 35, komportamentu pozitivu ida ne'ebé konstante, hahú husi tinan 2012.

Transparency International ne'e hateten katak índise anuál mak "indikadór kompostu ida ne'ebé mak uza hodi sukat persesaun korupsaun iha setór públiku, iha nasaun oin-oin iha mundu". Análize ida husi Rejiaun Ázia-Pasífiku nian, Kate Hanlon, ONG ne'e nian, hatudu ona ezemplu pontuasaun di'ak Timor-Leste nian. Tanba mudansa ida iha metodolojia Persesaun Korupsaun nian, maka pontuasaun sira husi tinan 2012 to'o 2016 nian de'it bele halo komparasaun sira. Timor-Leste nia pontuasaun iha edisaun tinan 2016 nian ne'e maka di'ak liu hahú kedas iha tinan 2012.

Governu Konstitusionál VI tuir ona kultura responsabilizasaun ida no abertura ne'ebé buka hodi hamenus korupsaun. Iha sentidu ida ne'e, kontinua fó apoiu ba Komisaun Anti-Korupsaun, hodi garante rekursu sira ne'ebé maka presiza hodi hala'o nia misaun importante. Iha tinan tolu ikus ne'e, kapasidade no formasaun ba setór judisiál no polisia nian hadi'a tiha ona. Medida espesífika sira, hanesan kria Unidade Polisia Sientífika Investigasaun Kriminál no realizasaun reforma aduaneira, inklui adosaun ba Deklarasaun Arucha Revista, daudaun ne'e promove hela integridade no aumenta possibilidade detesaun nian no represaun ba fraude no korupsaun. Nune'e mós hala'o ona mós kampaña sira sensibilizasaun nian atu esplika saida maka korupsaun no konsekuénsia ba hahalok sira tipu ida ne'e nian.

Portavós Konsellu Ministrus nian, Ministru Estadu Agio Pereira, hateten katak "Governu simu ho di'ak edisaun ne'ebé rejista ona iha edisaun ikus ne'e husi Índise ba Persesaun Korupsaun nian no liuliu tendénsia ne'ebé nafatin aumenta iha eskala tabela nian. Tendénsia ne'e hatudu esforsu sira husi Governu atu hametin ita-nia institusaun sira no promove governasaun di'ak no iha impaktu pozitivu ida ba konfiansa husi investidór sira, parseiru negósiu nian sira no turista sira". **REMATA**



**Agio Pereira**

+670 7723 0011

[agio.pereira@cdm.gov.tl](mailto:agio.pereira@cdm.gov.tl)

[govtlmedia@gmail.com](mailto:govtlmedia@gmail.com)

[www.timor-leste.gov.tl](http://www.timor-leste.gov.tl)